

Veranopolis, 27 de junho de 2002

Egregio Signor Sindaco de  
Porto Viro, provincia de Rovigo...

*Al salutarlo, e al suo Comune, volemo, prima de tuto, dirve che noantri ve scrivemo de la maniera como noantri parlemo e scrivemo el Talian, che ze la lingua portada e formada in Rio Grande do Sul, dai imigranti dele diferente Regione del Italia, soratuto dela Regione Veneta e, specificatamente, dela Provincia de Rovigo.*

*Ze grande piaser e grande onor par Veranopolis vegner a esser gemelata com Porto Viro, come la ze sempre stada cultural e linguisticamente e desso, anca, de poder esserlo de forma official.*

*Disemo gemelai de na forma official, parchè semo gemelai e fradei ancora dal epoca dela grande imigrassion, scominciada nel 1875, in forma massiva, e rivada in Veranopolis dal 1885 in vanti.*

*Tra le leve diverse de italiani, podemo dir che 56 persone le ze vegneste in Veranopolis, direttamente dela Vostra Provincia, par giutar a costruir el progresso de questa tera, de straordinarie belesse naturale e singolare qualità de vita, tanto ze vero che Veranopolis el ga el pi grande livello de longevità del Brasil.*

*El popolo de Veranopolis, lora, semo orgogliosi e felici de esser gemelai col popoplo de Porto Viro, unidi par na cuna comun teritoriale e culturale, che ze la Region Veneta, base del nostro parlar triveneto lombardo, che noantri ghe ciamemo Talian, parlà del inissio fin oncò; le cansone taliane, la culinaria e la religiosità le ze altre caratteristiche che gavemo in comun.*

*Par via de tuti sti motivi, ghemo fato tivar a la nostra Camera Legislativa el Disegno de Lege, aprova in unanimità dai cancelieri comunali, assicurando la realisassione de un gemelaio tra Porto Viro e Veranopolis.*

*De qua in vanti, Signor Sindaco, lo invitemo e al suo Comune, ai scambi de amistà, sperienze de vita e de cultura in senso ampio, che le ne porte a uma grande fraternità.*

*Sarissimo contenti de ricever delegassione del vostro comune par cognosser Veranopolis, la so gente e la so cultura e stringer i vincoli dela nostra amistà.*

*Me sento felice de esser el Sindaco de Veranopolis, che presto el sara gemelà com Porto Viro, approfittando questo momento par saludar tute le autorità e comunali de Porto Viro.*

*Mila grassie de verme acolto e scoltà.*

*Con i saludi e rispetto dei comunali de Veranopolis.*

Elcio Siviero  
Sindaco de Veranopolis